

մութեան անհրաժեշտութեան ինքնաճանաչութիւնը, նրանց, այդ ունեւորների պարտքն է իրանց նիւթական կարողութեամբ, իրանց մտաւոր անձնական աշխատութեամբ իննել հասարակութեան առաջնորդներ:

Մենք չենք խօսում հին սերունդին պատկանող մեր տգէտ հարուստների մասին, մեր զանազան Անանիաների, Սանասարոսների, Միրզոհների, Չիթախների, Արասիկներովների և այլ սրանց նմանների մասին: Սրանց անձնական մտաւոր աշխատանքը, քանի որ նրանք միայն հարստանալու համար բնական խելք ունեն, բայց ոչինչ լուսաւորութիւն չունեն, ի հարկէ, անկարող է մեզ որ և է կերպով առաջնորդելու, նրանք կարող էին, եթէ չոր ու ցամաք էգոիստներ չը լինէին, միայն իրանց փողով օգնելու այս կամ այն մտաւոր ձեռնարկութեանը: Բայց դժբաղդապէս սրանց որդիներն էլ, որոնք կարծում են թէ պատկանում են լուսաւորված նոր սերունդին, այն տեսակ դաստիարակութիւն և կրթութիւն են ստանում, որ դառնում են իրանց հայրերից էլ ևսական, անտարբեր դէպի ազգի կարիքները, իրանց հայրերի ձեռքով դիզած փողերը զուր տեղ շուայլ և անընդունակ կեանքի վրա վատնողներ... Սրանց վրա մենք աւելի պակաս յոյս ունենք, քան թէ, մինչև անգամ, նրանց տգէտ հայրերի վրա:

Միջին ունեւոր դասակարգի լուսաւորված հայ երիտասարդներին և օրիորդներին ենք դիմում: ձեր պարտաւորութիւնն է, քանի որ մեզանում չէ վարձարկում մտաւոր գործունէութիւնը, յանձ առնել ձեր նիւթական կարողութեան և ձեր անձնական աշխատանքի օգնութեամբ մտաւոր առաջնորդներ զգացմունքից զուրկ, մտաւոր կեանքը աւելորդ բան համարող, թշուառ և անբարոյականացրած ազգի:

Գ. Ա.

ՆԵՐՔԻՆ ՏԵՍՈՒԹԻՒՆ

ՆԱԽԱԿ ԽՄԲԱԳՐԻՆ

Տաթևու վանք, 23 յուլիսի

Ամսոյ 20-ին, երկուշաբթի, մօտ ժամի մէկին, այստեղ պատահեցաւ բաւական մեծ երկրաշարժ: Մի րոպեում երեք զարկ կրկնեցաւ միմեանց ետեից զարմանալի արագութեամբ: Վերջին զարկից յետոյ լսվեցաւ մի սոսկալի որոտում, իբրև հագարաւոր կառքերի արագ ընթացքի ձայն: Հաւաքած տեղեկութիւններից երևում է, որ այս երկրաշարժը եղել է Տաթևու ամբողջ վիճակում, գոց է ուրիշ տեղերում: Տեղ տեղ այնչափ ուսատիկ է եղել որ՝ օրինակ Տաթևու սարի լանջի վրա մի բաւական տեղ փուլ է եկել, Սվարանց գիւղում ամբողջ եկեղեցու պատերը ճաքել են, և այլն:

Արժանի է ուշադրութեան այն սպաւորութիւնը, որ գործում է երկրաշարժը: Եւ, Տաթևու վանքի միաբանների և այլ ուխտաւորների հետ գնացել էինք այդ օրը ուխտ մօտակայ վանքը, որ կոչվում է Մեծ Անապատ: Մինչդեռ ձաշի նստած էինք մօտ 15—20 հոգի սալալատակ գետնի վրա, յանկարծ շարժվեցան մեր տակի քարերը: Ակնթարթ արագութեամբ ուրախ խօսակցութիւնը տեղի տուց մի գերեզմանային լուսութեան: Կեռ ևս մենք չը սթափված երկրորդ անգամ օրովեցաւ երկիրը և ամենքը կարծես թէ մի երեքտրական ուժով զարկով ցնցուած վերթան և ոտի կանգնեցան: Այդ իսկ վայրկեանում կրկնվեցաւ երրորդ և աւելի ուսատիկ շարժը ստորերկրային սոսկալի գոտոցով և ամենքը փախան անգիտակցաբար զանազան կողմ: Երբ երկրաշարժը հանդարտվեցաւ տեսանք որ ամենքի երեսին տիրել էր մեռելային դեղնութիւն, բայց աւելի շատ վախեցել էին կոնայքը,

որք չէին կարողանում հանգստանալ երկար ժամանակ:

Վահան Վ. Բաստամբան

ՆԵՐՔԻՆ ԼՈՒՐԵՐ

Լուսւմ ենք որ պ. Ս. Մանդրինեան արդէն հրաւիրված է պրոֆեսոր Էլմիաճնի ձեռնարանի 4,000 րուբլ ուճիկով:

Ուրբաթ, յուլիսի 31-ին հայ-սիրողների ներկայացումը Արծրունու թատրոնում շատ լաւ անցաւ: Մանաւանդ տիկին Փաշայեան-Տէր-Գրիգորեան հիացրեց ամենքին իր նորհալի խաղով և զուրեկան երգեցողութեամբ: Ժանէտի դերում նա շատ լաւ էր, բայց թոյլ էր Լեմայի դերում, չէրք ապասկներ: Այնչափ մէջ Պ. Տէր-Գրիգորեանին խորհուրդ կը տանք կուպլետները երգելու ժամանակ ընտրել այնպիսի կուպլետներ, որոնք որ և է հասարակական հեղինակաւ իմաստ ունեն, որովհետեւ ձայն չունենալով, նա չը պէտք է այնպիսի կուպլետներ երգի, որոնց գլխաւոր նպատակը նոյն իսկ երգեցողութիւնն է: Նրա առաջին երգած կուպլետը (չիթաղ) շատ լաւ անցաւ, բայց երկրորդը շատ անաղոյ էր: Նա պէտք է համոզվի որ ձայն չունի, և պէտք է այսուհետեւ շարունակի մեր կարծիքով առաջին կուպլետի պէս կուպլետներ երգել: Ինչ և ինչ այդ տեսակ թիթեւ, զուրեկան ներկայացումները ոչինչ վնաս չեն կարող հասցնել թատրոնական կօմիտեային, ինչպէս կարծատես և իշխան Ամատունու Պերմ բարեկամներից մի քանիսներ հաւատացնում են և իրանց բացակայութեամբ այս տեսակ ներկայացումների դէմ բողոքում են: Միթէ մի ֆիլիսոփայական գրութեան, մի ծանր առաջնորդող յօդուածին: Կօմիտեայի տալիս է (Համէլտ), «Կօն Կարլոս», տալիս է պիէսաներ թոյնով, Էլօլվէրներով, ուրուականներով, — միթէ այդ տեսակ փիլիսոփայական ներկայացումների հետ կարող են միցել թիթեւ ամառային, փողովիներէր բողոքացած ներկայացումներ երգեցողութեամբ և պարով:

ԱՐՏԱՔԻՆ ՏԵՍՈՒԹԻՒՆ

ՀԱՅՈՑ ԽՆԿԻՐ

„Порядокъ“ լրագիրը հայոց խնդրին նուիրել է հետեւեալ յօդուածը:

Յունական խնդրի լուծվելուց յետոյ թիւրքաց Արեւելի մէջ ծագելու է մի այլ խնդիր, որի վճռելուն, ինչպէս երևում է Անգլիան մտադիր է եռանդով նպաստել: Հիւթական խնդիրը այժմ հայոց հարցն է:

Բերլինի գաշնագրի 61 յօդուածի համեմատ Գ. Դուռը պարտաւորվում է անյապաղ իրագործել տեղական պահանջների համեմատ բարեխաւութիւններ և վերանորոգութիւններ հայերով բնակեցրած նահանգների մէջ և պաշտպանել նրանց սպահովութիւնը չերբէզների և քրեական դէմ: Գ. Դուռը պարբերաբար կը հաղորդէ իր գործադրած միջոցների մասին պետութիւններին, որոնք կը հսկեն այդ միջոցների գործադրութեան վրա:

Բերլինի գաշնագրի ստորագրելուց յետոյ անցել են երեք տարիներ և Բ. Դրան խոստացած վերանորոգութիւնները և բարելաւութիւնները դեռ ևս մինչև անգամ բոլորովին չեն սկսվել: Չը նայելով որ Անգլիան շատ անգամ յիշեցնում էր Բ. Դրանը նրա պարտականութիւնը, վերջինը կողմնակի պատասխաններ էր տալիս, աշխատելով առաջն առնել այն հարցի, որի լուծելը գուցէ իր ոյժերի համեմատ չէ: Բ. Դուռը երբեմն պատճառ էր բերում, թէ առաջ նահանգներն և վերջնական սահման որոշել թիւրքայի և Ռուսաստանի մէջ, երբեմն Հայաստանի մէջ եղած սարսափելի սոյն էր պատճառ բերում, երբեմն քրեական ապս-

տամբութիւնը և նրանց պատերազմը պարսիկների հետ, իբրև պայմաններ, որոնք խանգարում են վերանորոգութիւնների ըսկսելուն: Միւս կողմից հայերի և մանաւանդ նրանց ինտելիգենցիայի անհաբերութիւնը հետզհետէ ստատիւնում էր: չէնց որ նրանց շահերը պաշտօնապէս մտան միջադգային դաշնագրի մէջ, նրանք չէին կարող երկու ձեռքով չը բռնել այդ իրաւաբանական կարեւորութիւնը նրանց ազգային վիճակը բարելաւելու համար:

Վաղուց կորցրած լինելով իրանց ազգային անկախութիւնը, հայերը շատ քիչ անգամ փորձել են վերականգնել այդ անկախութիւնը: ձարպիկ, արդիւնաբերող և առեւտրական ժողովուրդ լինելով, հայերը կարողացել են ամեն տեղի հետ յարաբերութիւններ կապել և հարստանալ այդ կողմից հրէաներին յիշեցնելով: Բայց թիւրքայի մէջ նրանք առանձին ոյժ են ձեռք բերել: Թիւրքայի մէջ նրանց կարելի է պատահել բոլոր հիմնարկութիւնների մէջ, որտեղ նրանք համեմատաբար բարձր պաշտօններ չեն վարում, որոնց ստանալու համար նրանք պէտք է մահձետակնուութիւն ընդունէին: Նրանց այնտեղ չեն սիրում շահասիրութեան և խորամանկութեան համար, ինչպէս ուրիշ տեղերում հրէաներին չեն սիրում, բայց մի և նոյն ժամանակ առանց նրանց չեն կարող ապրիլ, որովհետեւ նրանք պիտանի մարդիկ են դարձել և պէտք է խոստովանել, որ վերջին ժամանակներում մեծ առաջադիմութիւն են գործել մտաւորապէս և քաղաքականապէս:

Հայոց հարցը բարձրացրած է և պաշտպանվում է զխաւորապէս նոյն իսկ հայերի կողմից և մեր ժամանակներում չէ կարելի նրա վրա ուշադրութիւն չը դարձնել և զրականապէս չը նպաստել նրա լուծելուն: Հայերի զխաւոր մտաւոր ոյժերը գտնվում են Կ. Պօլսի, Վենետիկի և զխաւորապէս Թիֆլիսի մէջ, որտեղ նրանք քաղաքային ազգաբնակչութեան կէսն են կազմում: Նրանցից այնպիսի անձնաւորութիւններ են պատահել, որոնք իրանց ամբողջ հարստութիւնը գործ են դրել իրանց հայրենակիցների և հայոց ինքնավարութեան գաղափարի համար: Կեռ ևս անկարելի է նախատեսել, թէ ժամանակով այդ շարժումը ինչպիսի հետեւանք կունենայ: Բայց առաջուց կարելի է ասել, որ ընդունակ, գործունէայ և ինքնաճանաչութեան հասած մի ազգութիւն չէ կարող երկար ժամանակ ստրուկ մնալ:

Աւելի էլ կասենք. այսուհետեւ այդպիսի մի ազգութեանը ստրուկութեան մէջ պահելը համապատասխան չէ այն պետութիւնների ուղղակի շահերին, որոնց իշխանութեան տակ նրանք գտնվում են: Եթէ թիւրքիսն չէ կամենում բարելաւել և վերանորոգել հայերի կառավարելու եղանակը, դրա փոխարէն Ռուսաստանը կարող է այդ գործին ձեռնարկել, որ նրա չափ հաւասար քաղաքական իշխանութիւն ունի հայերի վրա: Միջազգային և պատերազմական կողմերից անփառնազ հայոց ազգութիւնը կարող է Ռուսաստանի ամենաօգտակար դաշնակիցը լինել, իբրև Կովկասի ազգաբնակչութեան ամենագործունէայ և կուլտուրական տարր: Ռուսաստանը կարող է նշանաւոր ազգեցութիւն ունենալ Թիւրքայի հայ ազգաբնակչութեան վրա, որ տանջված է թիւրքաց փարշական անկարգութիւններից և քրեական կամայականութիւններից, եթէ Կովկասի հայ ազգաբնակչութեանը այնպիսի իրաւունքներ կը տայ, որոնք կը համապատասխանեն Կովկասեան այլ ազգութիւններին:

Ի հասարակական ազատութեանը և տնտեսական բարօրութեանը:

Մենք նախատեսում ենք այն պատասխանները, որոնց կը տան մեր այս կարծիքին հայոց խնդրի վերաբերութեամբ: Մեզ կարող են ցոյց տալ հայոց բնաւորութեան թոյլ կողմերը, որոնց մենք վերաբերվում ենք, նրանց անչափաւոր պահանջները և իշխանաւոր ձգտումները: Բայց այդ պատասխանները դժուար չէ հերքել: Ռուսաստանից է կախված թոյլ տալ, որ զարգանան իր հրապատակ ազգութեան այդ թոյլ կողմերը, այդ անչափաւոր պահանջները և իշխանաւոր ձգտումները: Նրանք առհասարակ զարգանում են և զաւոր պտուղներ են տալիս այնտեղ, որտեղ յարաբերութիւնները հաւասար իրաւունքների վրա չեն հիմնված, որտեղ պատահականները և կամայականութիւնը փոխարինում են օրինական կարգերին և սխտեմապէս որոշված դրոժուղութեան եղանակին: Միայն այսպիսի դէպքերում մի հպատակ ազգութիւն, եթէ նա խելօք և ձարպիկ է, ոչ թէ միայն միւս աւելի քիչ զարգացած և ընդունակ ցեղերի, այլ և նոյն իսկ տիրապետող ազգութեան զխիսն է նստում: . .

ՄԻԱՑԵԱԼ ԸՆԿԵՐՈՒԹԻՒՆ

Միացեալ Ընկերութեանց Կեդրոնական ժողովոյ ԺԹ նիստը տեղի ունեցաւ կիրակի, ժամ 7-ին, Ղալաթիոյ Կեդրոնական վարժարանին մէջ, ընդ նախագահութեամբ Առաքել Ալթուն-Տիւրքի Էֆէնտիի և ի ներկայութեան 20-ի չափ երեսփոխանաց: Ատենադրութեան ընթերցումէն և վաւերացումէն յետոյ, երեսփոխան Մ. Ունեան է-Ֆէնտիի հրաժարական ընդունուեցաւ: Առաջին Ատենադպիր Պ. Անդրանիկ Ալիս-գեանի հրաժարականն ալ ընդունուելով յաջորդ նստին խորհուեցաւ նոր ատենադպիր ընտրութիւնն: Յետոյ Կեդրոնական ժողովոյ դիւանաց պակասեալ անդամներուն տեղ նոր ընտրութիւն կատարվելով, Սրէս-գրական դիւանի անգամ ընտրուեցան Տօքտոր Փէշախմալճեան և Պ. Արփիար Արփիարեան, Նախաքննիչ դիւանի անգամ ընտրուեցաւ Պ. Գէորգ Ապուլլահ և Երթթական դիւանի անգամ ընտրուեցաւ Պ. Յ. Երեսփոխան: Ներքին կանոնադրին Սրէս-գրական դիւանի քննութեանն յղել որոշվել է յետոյ, վարչութեան տեղեկագրին անընդմեջ 5 խնդիրներուն վրայ վիճաբանութիւն բացուեցաւ: Այս խնդրոց կարեւորագոյնն էր Տուրքերեանի տեսչին մի նամակն, որ կը պարունակէր երկու առաջարկ. տեսուչը կը խնդրէր որ Կովկասի Կանիէլի վանուց զարգացման համար Տուրքի ժողովը գնէ և յղէ նմա 10 թրիմուկովը՝ ցուլով միատեղ, և 6 Ռուսական ձիեր՝ արուով միատեղ, և ստանձնէ նաև Մշոյ Ս. Յովհաննու վանուց տեսչութիւնը: Վարչութեան կարծիքն ուղղելով այս խնդրոյն վրայ, Տուրքի ժողովոյ ատենապետ Պ. Մինաս Չերապ յայտարարեց թէ ինք և իւր պաշտօնակիցք, Միացեալ Ընկերութեանց գործին նուիրելով իրենց ժամանակ և աշխատանք, յոյ ազգասիրական զգացումէն խառնելով են և թէ, իբր ազգասէր, չեն շարժեալ են և թէ, իբր ազգասէր, չեն կարող անտարբեր մնալ Հայաստանի վիճակի բարելիւթյ ազգայնոց տնտեսական վիճակի պաշտօնական և ուսումնաստարած ընկերութեան մը, որ իւր պահեստի գումարն իսկ գործածելու ստիպուած է այժմ՝ իւր 28 վարժարաններուն ծախքը հոգալու համար կը ցուէին որ չը պիտի կարենան հաւանք

որ կոմերու և ձիերու համար մի քանի հա-
րիւր ոսկիներ վաճառուին այսօր, թէ և հա-
մարում են թէ այդ անասունք կրնան օգ-
տակար լինիլ ապագային մէջ: Հացի խն-
դիրը, զոր ոմանք կը յուզեն լրագրաց մէջ,
էական կարեւորութիւն ունի ճնորէն ժողո-
վին համար, որ յայտնած իսկ է զայն իւր
շրջապատականով: սակայն, ընկերութեան
գրաւական վիճակն այնքան անձուկ է, որ
հարկ պիտի լինի մի քանի դարաց փակել
գաւառացւոց նիւթական վիճակի բարու-
ման դոյզն նպաստ մը մատակարարելու
համար, և ճնորէն ժողովոյ անդամոց պար-
տաւորութիւնը և խիղճը չեն ներեր որ
Հայաստանի մէջ կով մը աւելցնելու հա-
մար դարաց մը գոցեն: Այս բացատրու-
թեան վրայ, Կեղրոնական ժողովն որոշեց
մերժել Տուրքիոյ տեսչութեան առա-
ջին առաջարկին, և ճնորէն ժողովոյ միջո-
ցաւ քննութիւն բանալ Ս. Յովհաննու վա-
նուց նիւթական կացութեան վրայ: Միւս
4 խնդրոց նկատմամբ ալ վարչութեան ար-
բանագրութեանց համաձայն որոշումներ
տրուելէ յետոյ, ատենը փակուեցաւ ժամ
11-ին, յաջորդ նիստը մի ամիսէն դուռ-
բելու որոշմամբ:

(Մասիս)

Մի Գրագիր Նիկողոսեան

Մանգու մէկ է ֆիլիսոփայ լրագրում կար-
գում ենք հետեւեալ երկու նամակները: Կ.
Պօլսի «Միացեալ» ընկերութեան ճնորէն
ժողովը պիտի է մեր աշխատակից պ. Գրի-
գոր Նիկողոսեանին հետեւեալ նամակով:

«Ազնի Պարոն. Միացեալ ընկերութեանց
նորընտիր ճնորէն ժողովն կը ցանկայ տե-
սակցութիւն մ'ունենալ Ձեր Մեծապա-
տաւորութեան հետ, ընկերութեանս արդի
կացութեան և արագաց ուղղութեան նը-
կատմամբ Ձեզ հետ խորհրդակցելու հա-
մար: Դուք, որ ներկայացուցիչ էք «Մշա-
կի» պատուարժան խմբագրութեան, ում և
բախտապարտ են Միացեալ ընկերութիւնը,
որպէս երբեմն Արարատեան ընկերութիւնը,
չը պիտի մերժէք անշուշտ մեր հրաւեր,
զի փառահեղ թէ չէք անտարբեր Միա-
ցեալ ընկերութեանց նկատմամբ, որոց այն-
քան օգտակար եղած էք միշտ մեր սիրելի
Ռուսիոյն հեղափոխութեան համար:

«Ուստի յայտնելով Ձեզ թէ ամեն երեք-
շաբթի և հինգշաբթի, երեկոյեան տաճ-
կական ժամ 9-էն 12, պիտի գտնէք զմեզ
Ընկերութեան գրասենեակն»:

Այս նամակին պ. Գրիգոր Նիկողոսեան
պատասխանել է հետեւեալ նամակով:

«Միացեալ ընկերութիւններէն արդէն մէկ
ամիս առաջ ընտրված ճնորէն ժողովը ցան-
կութիւն է յայտնում այժմ խորհրդակցիլ
ինձ հետ ընկերութեանց «արդի կացու-
թեան և ապագայ ուղղութեան» վրա: Ու-
րովհետեւ իմ բոլոր համակրութիւնս և հա-
մերձակութիւնս ընկերութեանց գործերի
հետ պայմանաւորված են ընկերութեան
ընտրելի նոր և նպատակաւորութեան ուղղու-
թեամբ, փաստորոշ այն օրիս, երբ այդ ուղ-
ղութեան ընդունված լինելը կը հրատա-
րակվի, այդ օրից էլ չի մնայ ոչինչ տեղիք
առանձին բանակցութեանց: Իսկ ինչ կը
վերաբերվի յիշեալ ուղղութեան, այդ մա-
սին, կարծեմ որ, չորս ամիսէ հետեւ տեղիս
լրագիրներէ մէջ հրատարակող իմ յօդուած-
ները, նոյնպէս և Պ. Գրիգոր Արքեպիս-
կոսի առաջնորդ յօդուածները «ՄՇԱԿ» մէջ,
կարող լինեն տալ ճնորէն ժողովի աւելի
ճիշդ և կատարեալ բացատրութիւն, քան
թէ կէս կամ մի ժամկայ իմ տեսակցու-
թիւնը:

«Գալով ընկերութեանց «արդի կացու-
թեան», ինչ որ նա լինի, դարձեալ նա կա-
րող է միշտ աւելի վաստակել յարմարելով
աւելի արդիւնաւոր ուղղութեան հետ, քան
թէ մնալով նորան հակառակ դիրքի մէջ:
Ահա իմ բոլոր ասելիքս, որ կը լսէ ճնորէն
ժողովը տեսակցելով ինձ հետ թէ իր գր-
ասենեակի մէջ և թէ, իր պատուիրակի
միջոցով, իմ բնակարանում»

ՆԱՄԱԿ ԹԻԻՐՔԻԱՅԻՑ

Կ. Պօլսի, 27 յուլիսի

Ամբողջ շաբաթ է, որ այստեղի մի օտար
լրագրի մէջ տողալի բաներ են տպվում մի բարձ-
րաստիճան հայ կրօնաւորի վրա, որի արժանիքը
ճանաչված է համայն հայերի մէջ: Գոտմեկի ա-
րարածներ են Կ. պօլսեցի հայերը, մանաւանդ
ինտելիգենցիան: ամեն օր կարդալով այնչափ
վիրաւորի բաներ հայ կրօնականի պատել և
արժանաւորութեան դէմ, ոչ միայն մի մարդ չէ
զուրս գալի, որ մի տող քան գրէ իրանց ար-
եւելիսկոյսի պատիւը պաշտպանելու համար,
այլ ընդհակառակը իրանք են նպաստում և նիւթ
մատակարարում մի կաշտոված հրեային անուա-
նարկ անել օրչափ կարելի է հայերի մէջ անուա-
նի ճանաչված կրօնաւոր մարդուն: Այս բոլոր
խտրելանքները կատարել տուող ոչ այլ որ է, ապա
թէ ոչ այնչափ նորերս հաշակված կաթոլիկութիւ-
նից նոր դարձած, Եւրոպայի առաջնորդ Օրմանեան
վարդապետը: Ճշմարիտ, բաղդ չունեն հայերը
այդ նորադարձների վերաբերմամբ և հիմա տես-
նում ենք, որ Մշակը իրաւացի էր, բողբոջելով,
երբ մի խումբ մարդիկներ Օրմանեան վարդա-
պետի առաջնորդութեամբ լուսաւորչականու-
թեան զինակցին: Ճշմարիտ ազգասէր և սկզբուն-
քի տէր մարդիկ ամեն կրօնի մէջ էլ կարող էին
նոյնը մնալ, բայց երբ դժմաւարացիներով ու-
ղեցին իրանց ազգաւորութիւնը յայտնել, արդէն
հէց զորանցի կարելի էր խմանալ, որ զօքա
չատ էլ գոված յատկութեանց տէր մարդիկ չը
պիտի լինէին: պատեղները անմասն ենք:

Բանը նորա մէջն է, որ Եւրոպայի առաջնորդը
դեռ իր կաթոլիկ ժամանակը ընկերութեան
մտնելով տեղիս մի հրէայ փաստաբան Կաստրոյի
հետ, ինչպէս այդ պատմում են այստեղ, յանձ-
նառու է եղել փաստաբանի մի միջոցով հարց
է, եղբւր Գործը տանելու համար գլխաւոր քանը
մի մագաղակեայ դոկումենտ է եղել, որը ներ-
կայացնելով անգլիական հրապարտաբանին
հայագէտ Լ. Բարթոլոմէի քննութեան և ենթակա-
վել: Լ. Բարթոլոմէի մէջ գլխաւորն իտիւն կայի-
կոպոս Նարբէն է հրաւիրված եղել, որը
տեսնելով պարզ ի պարզոյ դոմենտի կեցութե-
անը, նոյնութեամբ վկայել է այդ իրան հրա-
ւիրված հրապարտաբանին: Օրմանեան վարդա-
պետը ի հարկէ սե երես է դուրս գալի այստեղ
իր սուտ վկայութեան համար դոկումենտի իսկա-
կան լինելու վերաբերմամբ: Բանը սորանով
քանդվում է և մի քանի ամիս շահեցած Օրմա-
նեան վարդապետը դիմում է լուսաւորչականու-
թեան, պահելով սակայն իր օրիս խեղճ խորհ-
եակիկոպոսի դէմ, բայց չուղեղով իր ատելու-
թիւնը մէկին ցոյց տալ, մանաւանդ որ խորհ-
եակիկոպոսը նորա մօտիկ ազգականներից միւն
է: Օրմանեանը ժամանակի է սպասում: Երբ Ներ-
սէն պատրիարքը նշանակում է նորան Եւրոպայի
առաջնորդ, ի հարկէ դրանից լուս պատե՞ չէ լի-
նում ինտրիգաների ծայրը քաղը գցելու համար
և ահա մեր շրջանական առաջնորդը սկսել է
այժմ այն խաչակրաց պատերազմը խորհել կայի-
կոպոսի դէմ, որի նմանը հազիւ թէ յանձնառու
լինի անել աշխարհիս մէջ ամենայնոք անգամ
անապիւն հայր:

Խորհել կայիկոպոսի դէմ ֆրանսական «Stam-
boul» լրագրի մէջ անստորագիր յօդուածագիրը
այնպիսի ցեխոտ լեզու է քանկում մի հայ
կայիկոպոսի և առհասարակ հայ մարդու յատ-
կութեանց դէմ, որ հաւատարմութեամբ են թէ միմե-
կանց մի քանիսը դեռ պանդխտից զարմանք են
յայտնում թէ ինչու Ներսէն պատրիարքը չէ
միջամտում Օրմանեանի այս անօրինակ սկան-
դալի և անպատուութեան վերջ տալու համար:
Կրկնում են դարձեալ, ահա ձեզ օրչափ իրաւացի
էր Մշակը, շատ էլ ոչբախտութեան եւանդ չը
յայտնելով անցեալ տարի, երբ մի մղեւանդ

հայ լրագիր մեծ «պատմական» անցք էր համա-
րում մի քանի այստեղի հայ կաթոլիկների լու-
սաւորչականութեան դիմելու համար Օրմանեան
վարդապետի առաջնորդութեամբ:

Այս վարդապետի արարքները Եւրոպայում
նոյնպէս գովելի տեսակներից չեն, այլ Եւրոպայի
առաջնորդութիւնը միայն ասպարէզ չիւնելով իր
անձը Կ. Պօլսի լրագիրների մէջ փառաբանել
տալու համար, նա պարագլու է, զրուս են
Եւրոպայից, միայն յօդուածներ գրելով Մասի-
սի «Ուղեորի» ստորագրութեամբ: Երբ պիտի
տեսնենք, Տէր Աստուած, մի հայ կրօնական, որ
լինելով Յիսուսի օրինակը, նա պարսից խանի
մտափառութիւնը չունենար իր մէջ... Այսպիսով
անձ ձեզ կարճ ժամանակուայ մէջ տաճկահայոց
մէջ երկու «անուանի» համարված վարդապետ-
ներ իրանց զոյները դուրս տուած: Վասնայ
Սրբանշատեանց վարդապետը և Օրմանեանը: Ղէ՜հ
էլ մնացածների համար կարող էք դուք ինք-
ներդ երեւակայել, եթէ մանաւանդ իբր լուս հա-
մարվածներից մէկին, Ռուբինեան վարդապետին
իր գործով ճանաչեցիք...

Տեսնական խնդիրը տեղիս լրագիրների մէջ
օրից օր աւելի է ծաւալվում և վիճաբանութեանց
ընդարձակ ստապիւզ գաւառում: Ինչպէս ճշմարիտ
էր նկատում Մշակի մէջ պ. Արարատեանեցը
որ և իցէ մի յարուցած հարց լուս հայ լրագրու-
թեան մէջ չէ կարող որ և է որոշ և վճռողական
արդիւնքի յանդիլ: Բայց գտնէ մէջ տեղ կը պը-
տնեն և կարծաւորներ շատ նոր տեսակետեր և
զաղափարներ յարուցած խնդրի վերաբերմամբ:
Եթէ այդ փոքր ի շատ ճիշդ լինի ուստիայ
լրագրաց համար, տակաւն այդ բնու ճիշդ չէ
կարող համարվել այստեղի հայ մամուլի համար,
որը չունէ մի նշույլ անգամ լրագրական աշխու-
թեան Օրինակ, դիցուք թէ այս ինչ լրագիր մի
անգամ հակառակ է յայտնել իրան Հայաստանի
մէջ տնտեսական ուղղութեան մտցնելուն, այդ
օրից այդ լրագիրը ոչ միայն հազար ու մէկ
չլինում նամակների կը սկսէ հրատարակել, իբր
թէ Հայաստանից գրված, այլ ևս կը խնդրվի չէ
ժողովրդի առաջ այնպիսի իրողութիւններ Հա-
յաստանի մէջ, որոնք բոլորովին աշխուշ են
իրանց տեղը: Իսկ երբ կը լինեն Հայաստանից
այնպիսի թղթակցութիւններ, որոնց մէջ կերեայ
ժողովրդի տրամադրութիւնը և հակամիտութիւնը
դէպի տնտեսագիտական և արտադրական ուղ-
ղութիւն, այդպիսի յօդուածներ երբեք չեն հրա-
տարակվի: Միւս կողմից եթէ նոյն լրագրին
յօդուածներ կը տաս, նորա ընթերցողներին հա-
մուկու համար, այդպիսի յօդուածներն էլ չեն
տպվի: անձ այսպէս է վարվում այստեղ հայ լրա-
գիրների մէջ առաջինը համարված Մասիսը
էլ ինչ էք պահանջում մնացածներից: այսպիսի
անմեղելի աշխուշութիւն ցոյց տալու դէպքում
ընդհանուր հարցերի մէջ, կարող է միթէ պրօ-
բէս լինել ազգային գործերի մէջ: այս է գլխա-
ւոր պատճառներից միւն, որ տաճկահայոց գոր-
ծերը միշտ յոռի շրջանի մէջ են:

Ի նկատի ունենալով այսպիսի բաներ, ուս-
տիայ լրագրութիւնը շատ գովելի կերպով կը
վարվի եթէ յանձն առնէ ինքը վիճաբանել և
լուծել այն հարցերը, որոնք յարուցված են այս-
տեղի լրագիրների մէջ: այսպիսով կարելի էր
սոցա ամաչալացնել տալ...

Հայկական խնդիրը գտնւմ է կամայ կամայ
ինչպէս առաջադասուար նաւ խաղաղ ծովի վրա:
անգլիական ընդհանուր հրապարտութեան
վրժում այս օրերս սպասվում է այստեղ: Երան
կանչել է տեղի Կիւֆերին ճիշտ և բերանացի
տեղեկութիւններ խմանալու համար: Հայաստանի
կազմակերպութեան նոր ծրագրի հրատարակու-
թիւնը ողորդում է օրից օր: ասում են, որ
գլխաւոր յօդուածներից միւն այն պիտի լինի,
որ Հայաստանի կառավարիչ և բարձր պաշա-
տեաներ հայերից չը լինեն, այլ եւրօպացիներից:
կարծեմ որ այս յօդուածը որչափ էլ թուալի
լինի ազգային արժանապատուութեան կողմից,
այնչափ էլ գովելի է այն տեսակէտով, որ յի-
րաւի Հայաստանի բուն ժողովուրդը կազատվի
անպիտան էֆէնդիների ձեռքից:

Երբ Հայաստանի բարեկարգութեան կիրա-
րութիւն, ինչ կը լինի արդեօք սոցա անուա-
նարկ տաճկահայութեան հետ և ինչ կը չլինեն
այնչափ ընկերութիւնների մէջ ճանապարհացնող
և լոյս, և լոյս աղաղակողները: փառ չէր լինի
եթէ միւս յօդուած էլ լինէր բարեկարգութեան
կազմակերպութեան մէջ, որը արգելէր Կ. Պօլսի
մէջ այժմ բոլոր լոյս և վիճարկ Հիւզօ աղա-

ղակողներին ու դեռ Հայաստան նորախեղ ժո-
ղովրդի երեւակայութիւնը և գործնական խել-
քն էլ չը պղծելու համար: Հարցեցէք այս
«Լոյսի» վրա սիրահարներին թէ նոյն իսկ իրանց
քաղաքի մէջ ունեցած ուսումնարաններ և ոցա
մէջ տուած «Լոյսը» ինչ է, որ Հայաստանի մէջ
տրուելիքը ինչ լինի... Հաւատարմութեամբ են
կրեմն տեք այնպիսի յօդուածներ և ճաներ
են հրատարակում իրանց լրագիրների մէջ, որ
մարդ միւս է դարմացած, բոլորովին լուրջ
կերպով մտածելով թէ, զոցա զրուց գծաւոր
նստածներին է: Յօդուածագիրների մի խումբ
այդպիսի մարդկանց միմեանց կասեն յականէ
յանուանէ: «մեծդ հայոց Վիկտոր Հիւզօ»: ան-
մահդ դու հայոց Վիկտոր է և այլու: Այս խենթ
գրասէրների խմբի մէջ կան և տիկիներ և օրիորդ-
ներ էլ, որոնց մի քանիսն իրանց անունները երեւի
դուք լսել էք կամ տեսել սոցա լրագիրների մէջ:
անձ այսպիսիներիցն է լրագրացած այստեղի
չուստուտ: բոլոր ընկերութիւններն էլ և ազ-
գային ժողովն էլ: անձ ինչ ասել է Կ. Պօլսի
Հայաստանի իրական յաւաքագիրութեան հա-
մար:

Գրիգոր Նիկողոսեան

«ՄՇԱԿ» ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆԻՑ

Ս. ՊԵՏԵՐԲՈՐԳ, 31 յուլիսի: Օգոստոսի
1-ից Ս. Պետերբուրգի մէջ կը սկսի հրա-
տարակվի ամեն օր առանց սկզբնական ցնե-
զուրայի մի նոր լրագիր «Новая Газета»
վերնագրով: Մօգիստովի խմբագրութեամբ:
Ժամանակաւոր հասցէն: Բասսէ յնայա, տուն
Կրասնով:

10 Նոյն, 31 յուլիսի: Կիրակի օր
զարկված է Կելատ: Նոր օգնական զօրքեր
ստանալուց յետոյ նրա գրութիւնը լուս-
ցել է:

ՓԱՐԻՋ, 31 յուլիսի: Ավիւրիայից ստաց-
ված տեղեկութիւնների համեմատ ֆրան-
սիացիները հրաժարվել են Սուսա գրաւելու
դիտաւորութեանց, որի բնակիչները յայտնե-
ցին իրանց հաւատարմութիւնը բէյին:

10 Նոյն, 1 օգոստոսի: Անգլիական հա-
մայնքների ժողովի և լորդերի ժողովի մէջ
անհամաձայնութիւն է ծագել իրանգական
կալուածական նոր օրէնքի վերաբերու-
թեամբ: Միմիստների խորհուրդը կը հա-
ւաքի խորհրդակցելու պարլամենտական
դժուարութիւնների առիթով: «Times»
կարծում է, որ եթէ համաձայնութիւն չը
կայանայ, միմիստութեան հրաժարականը
կամ պարլամենտի արձակելը անհրաժեշտ
կը լինի: Մի քանի լրագիրներ կարծում են,
որ կառավարութիւնը պէտք չէ որ գի-
շու մենք անէ:

Ս. ՊԵՏԵՐԲՈՐԳ, 1 օգոստոսի: Պետական
բանկի կառավարիչ Լամանսկի արձակված
է ծառայութենից իր խնդիրքի համեմատ
Նրա տեղ նշանակված է կրեդիտի գրասե-
նեակի նախկին գիրկետօր Յիմեն:

Ս. ՊԵՏԵՐԲՈՐԳ, 2 օգոստոսի: «Правит.
Вестн.» լրագիրը հայտարարում է, որ ներ-
քին գործերի միմիստի կարգադրութեամբ
Մօսկայում հրատարակվող «Русский Ку-
рьер» լրագիրը ստացել է կրորդ նա-
խագգուշութիւն և գաղտնեցրած է չորս
ամիսով:

Ս. ՊԵՏԵՐԲՈՐԳ, 1 օգոստոսի: Պետական
բանկի 5% տոմսեր առաջին շրջանի ար-
ժէ 96 ռ., երկրորդ 94 ռ. 75 կ., երրորդ
94 ռ. 75 1/2 կ., չորրորդ 94 ռ. 12 1/2 կ.,
ներքին 5% տոմսեր փոխառութեան տոմ-
սակը արժէ 228 ռ., երկրորդ 226 ռ. 50
կ., արեւելեան առաջին փոխառութեան տոմ-
սակը արժէ 91 ռ. 50 կ., երկրորդ 91 ռ. 50
կ., երրորդ 91 ռ. 62 կ., ոսկի 7 ռ. 80 կ.:
Ռուսաց 1 ռուբլ 1 օնցոնի վրա արժէ 25,62
պէս, ռուսաց 100 ռ. համարողի վրա
արժէ 218 մարկ 75 պֆ.: Ժարկի վրա
արժէ 269 ֆրանկ 75 սանտիմ: Բօրսայի
տրամադրութիւնը շատ ամուր է:

Խմբագիր—հրատարակող ԳՐԻԳՈՐ ԱՐԽԻՆԻՆԻ